

### 3. 發枝台語認證傳承獎學金獎勵辦法

(台文版) 2025/8/22

- 一、活動說明：為著 chhui-sak 全民參與檢定家己 ê 台語聽、講、讀、寫能力，mā 鼓勵青、少年學生朋友踴躍報名國立成功大學台灣語文測驗中心每年辦理 ê 「全民台語認證」、「中小學生台語認證」，特別設立本獎勵辦法。
- 二、主辦單位：國立成功大學台灣語文測驗中心、財團法人高雄市蔣發太孫玉枝台語文教育基金會、社團法人台灣羅馬字協會
- 三、申請時間：公元 2026 年 2 月 6 (拜五) 早起 10:00~2 月 12 (拜四) 下晡 17:00 截止。
- 四、頒獎日期：**確實 ê 時間、地點另外公告通知。**
- 五、申請方式：一律線頂申請 (填寫 google 表單)，無接受通訊 kap 現場申請。得獎者名單會公告 tī 主辦單位網頁，mā 會 email 通知得獎者。  
※公布成績 ê 時，網站會公布 google 表單。
- 六、獎學金來源：由財團法人高雄市蔣發太孫玉枝台語文教育基金會提供。
- 七、獎勵對象 kap 資格：  
**※ Chit-pái 限定參加 2025 年秋季全民台語認證 ê 考生申請！**
  - (一) 孫玉枝女士台語認證傳承賞  
獎勵對象是參加「全民台語認證」iah-sī「中小學生台語認證」ê 28 歲以下本國籍民眾。  
參加「全民台語認證」者：台語能力分級 siōng-bô tiòh-ài 有 B2 中高級，以 hit 擺申請者 ê 考試成績前三名頒獎。第一名獎學金新台幣六千 khō，第二名五千 khō，第三名四千 khō。若全分 tō 平分獎金。  
參加「中小學生台語認證」者：台語能力分級 siōng-bô tiòh-ài 有 A2 初級，以 hit 擺申請者 ê 考試成績前三名頒獎。第一名獎學金新台幣三千 khō，第二名二千 khō，第三名一千 khō。若全分 tō 平分獎金。
  - (二) 詹文聲教授國際台語文獎學金  
獎勵對象是參加「全民台語認證」、「國際台語認證」ê 外國人 kap 新住民 (定居台灣 iah-sī 入台灣籍 20 冬以內)。以 hit 擺申請者 ê 考試成績前三名頒獎。第一名獎學金新台幣六千 khō，第二名五千 khō，第三名四千 khō。若全分 tō 平分獎金。
- 八、本獎勵辦法若有無 chiâu-chng ê tai-chi，由主辦單位補充解釋 kap 裁決。
- 九、活動聯絡方式：email: [tgpomia@gmail.com](mailto:tgpomia@gmail.com)，tel: 06-2387539  
活動官方網址 <https://ctl.twn.ncku.edu.tw>